

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը՝ ԳԲՔԱ-ԼՕ-2021/50

Բողոքի ներկայացման ամսաթիվը՝ 17.06.2021թ.

Շտկված բողոքի ամսաթիվը՝ 18.06.2021թ.

Բողոք բերող անձ՝ «Ստեպ Լոջիկ Յուգ» ՍՊԸ

Պատվիրատու՝ ՀՀ պետական եկամուտների կոմիտե

Գնման ընթացակարգի ծածկագիրը՝ «ՊԵԿ-ԷԱՃԱՊՁԲ-21/027» էլեկտրոնային աճուրդ

Գնման առարկան՝ սերվերային համակարգի ձեռքբերում

Բողոքի պահանջը՝ պարտավորեցնել «ՊԵԿ-ԷԱՃԱՊՁԲ-21/027» ծածկագրով գնահատող հանձնաժողովին՝

1. «ՊԵԿ-ԷԱՃԱՊՁԲ-21/027» ծածկագրով ընթացակարգի հրապարակված հրավերում և դրան կից տեխնիկական բնութագրում կատարել փոփոխություններ՝ բողոքով նշված հիմնավորումների և վերլուծությունների շրջանակում կամ վերացնել սույն բողոքում նշված թերությունները,

2. չկայացած հայտարարել «ՊԵԿ-ԷԱՃԱՊՁԲ-21/027» ծածկագրով հայտարարված ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



ՀՀ գնումների հետ կապված բողոքներ քննող անձին

Հասցե՝ ՀՀ, ք. Երևան, Մելիք-Աղամյան փող. 1

Բողոքաբեր՝ «Ստեպ Լոջիկ Յուգ ՍՊԸ»

ՀՎՀՀ՝ 02704268, գրանցման համար՝ 286.110.06750

Հասցե՝ ՀՀ, Երևան, Արգիշտի 7

ներկայացուցիչ՝ փաստաբան Աննա Սամվելի Մարգարյան

(փաստաբանական գործ. արտոնագիր՝ 2189, տրվ. 03.12.2016թ, նույնականացման քարտ՝ 006499388, տրված՝ 14.09.2016 001-ի կողմից)

**Ծանուցման հասցեն՝ ՀՀ, ք. Երևան 0002, Բիզնես կենտրոն «Մարյան 12», 3-րդ հարկ, գրասենյակ թիվ 1, «ՀԱՊ» ՍՊԸ
Հեռ. 099 89 00 50**

Էլ. Փոստ՝ anna.margaryan@hap.am

Պատվիրատու՝ ՀՀ պետական եկամուտների կոմիտե

Հասցե՝ ՀՀ, ք. Երևան, Մովսես Խորենացու 3,7

Ընթացակարգի ծածկագիր՝ ՊԵԿ-ԷԱՀԱՊՁԲ-21/027

Գնման առարկա՝ ՀՀ պետական եկամուտների կոմիտեի կարիքների համար՝ «Սերվերային համակարգի» ձեռքբերումը (այսուհետ՝ նաև ապրանք)

ԲՈՂՈՔ

Սույն թվականի հունիսի 2-ին www.armeps.am էլեկտրոնային համակարգում և www.procurement.am կայքում հրապարակվել է ՊԵԿ-ԷԱՀԱՊՁԲ-21/027 ծածկագրով էլեկտրոնային աճուրդի մասին հայտարարություն և հրավեր հայերեն և ռուսերեն լեզուներով:

«Ստեպ Լոջիկ Յուգ» ՍՊ Ընկերությունը (այսուհետև՝ Ընկերություն) գտնում է, որ գնման ընթացակարգում Պատվիրատուն թույլ է տվել «Գնումների մասին» ՀՀ օրենքի (այսուհետև նաև՝ Օրենք), Գնումների գործընթացի կազմակերպման կարգի (այսուհետև նաև՝ Կարգ) դրույթների խախտումներ, խեղաթյուրել է գնման գործընթացի էությունը, բացառվել է մրցակցությունը և ղեկավարվելով Օրենքի 46-րդ, 47-րդ և 50-րդ հոդվածների պահանջներով, ներկայացնում ենք սույն բողոքը.

Բողոքի փաստական հիմքերը.

1. ՀՀ պետական եկամուտների կոմիտեի (այսուհետև՝ Պատվիրատու) կողմից 02.06.2021վ. - ին տեղեկագրում և www.arneps.am էլեկտրոնային համակարգում հրապարակվել է ՊԵԿ-ԷԱՀԱՊՁԲ-21/027 էլեկտրոնային աճուրդի հայտարարությունը և հրավերը:
2. Հայտերի ներկայացման վերջնաժամկետ է սահմանվել 18.06.2021թ. ժամը 10:00:
3. Գնման ընթացակարգի հրավերի «Գնման առարկայի բնութագիր» բաժնում նշված է.
 1.1. Գնման առարկա է հանդիսանում պատվիրատուի կարիքների համար՝ «Սերվերային համակարգի» ձեռքբերումը (այսուհետև՝ նաև սպրանք), որոնք խմբավորված են «1» չափաբաժնում՝

<i>Չափաբաժինների համարները</i>	<i>Չափաբաժնի անվանումը</i>
<i>1</i>	<i>Սերվերային համակարգ</i>

Ապրանքի տեխնիկական բնութագրերը, ինչպես նաև մասնագիրը, տեխնիկական տվյալները և այլ ոչ գնային պայմանների ամբողջական և համարժեք նկարագրությունը կազմում են կնքվելիք պայմանագրի անբաժանելի մասը, որի նախագիծը ներկայացված է սույն հրավերի N 5 հավելվածում:

4. Հրավերի թիվ 6 հավելվածում ներկայացված պայմանագրի նախագծի թիվ 1 հավելվածում՝ որպես «տեխնիկական բնութագիր-գնման ժամանակացույց» նշված է.

<i>Ապրանքի</i>		
<i>Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)</i>	<i>Ամբողջական անվանումը</i>	<i>Տեխնիկական բնութագիրը</i>
<i>48821100/501</i>	<i>Սերվերային համակարգ</i>	<i>Տեխնիկական բնութագիրը կցված է:</i>

5. Տեխնիկական բնութագրում նշված 1 չափաբաժնում ներկայացված հավաքածուն և վերջինիս առաջադրված պայմանները չեն համապատասխանում Գնումների մասին օրենսդրության պահանջին: Ավելին սառնի ներկայացված աղյուսակի համապատասխան պունակում ներկայացված են այդ անհամապատասխանությունները.

Աղյուսակ 1

2/2	Անվանումը	Տեխնիկական բութագիրը		ՀՀ գնումների մասին օրենսդրության խախտումներ, գնման ընթացակարգի խեղաթյուրումներ, մրցակցության բացառում, մեկ արտադրողին պարունակող չափանիշներ	
1.	Սերվերային համակարգ CPV 48821100/501	1	Կոմպոզիտիվ սերվերային համակարգ – 2 հատ (առանձին ֆիզիկական սարքավորում)		Սույն համատեղելիության պայմանի չափանիշին միայն համապատասխանում է մեկ արտադրողի ապրանք, բացառված է այլ երկրորդ արտադրողի կողմից համարժեք ապրանքի առկայություն
		Տիպը	Հաշվողական, տվյալների պահպանման, ցանցային ֆիզիկական և վիրտուալ ռեսուրսների ֆունկցիոնալ կառավարման կոմպոզիտային համակարգ		
		Համատեղելիությունը	(1),(2),(3) համակարգերը պետք է արտադրված լինեն մեկ արտադրողի կողմից և լինեն ամբողջովին համատեղելի		
		Բարձրությունը	10U ստանդարտ սերվերային դարակի բարձրությամբ		
		Աջակցվող սերվերների քանակը	առնվազն 12 երկպրոցեսորանի սերվեր		

Նվազագույն 12 երկպրոցեսորանի սերվերի պահանջին համապատասխանում է միայն մեկ արտադրող: Սույն պահանջով նույնպես սահմանափակվում է մրցակցությունը: Ավելին, անհասկանալի է, թե ինչով է պայմանավորված նվազագույն 12 երկպրոցեսորանի սերվերի սահմանումը, եթե առաջադրված նպատակին կարող է ծառայել առավել

			<p>նվագ քանակի նման ապրանք: Առավել արդյունավետ կլինեք սահմանել տվյալ պարագայում արտադրողականությունը, տեղեկատվական մշակման հզորությունը, այլ ոչ թե աղախի պայման առաջադրել, որը ըստ էության որևէ դեր չի խաղում բացի սահմանափակելով առողջ մրցակցությունը և հղում պարունակելով մեկ արտադրողի:</p>
1.1	<u>Կոնվերգենտ մոդուլ</u>	<p>առնվազն 2 հատ ցանցային մոդուլ - յուրաքանչյուր ցանցային մոդուլի վրա 6 հատ QSFP28 Uplink պորտեր, որոնցից ցանկացածը հնարավոր լինի կոնֆիգուրացնել հետևյալ տարբերակներից՝ յուրաքանչյուրով՝ 1x100Gb, 4x25Gb, 1x40Gb, 4x10Gb Ethernet; 1x32Gb/ 1x16Gb Fibre Channel - յուրաքանչյուր ցանցային մոդուլի վրա 12 հատ ցանցային ներքին downlink կապուղիներ՝ համակարգում տեղադրված սերվերներին միանալու համար, ըստ ցանկության 50Gb կամ 25Gb թողունակությամբ կոնֆիգուրացվող - 16 հատ JD092B տեսակի փոխարկիչներ՝ արդեն իսկ առկա HP FlexFabric 5700 ցանցային կոմուտատորներին միանալու համար</p>	<p><u>Սույն նշումից արդեն ակնհայտ է, որ Պատվիրատուն ուղղակի և անուղղակի կերպով հղում է կատարում արտադրողի, ապրանքային նշանի, որը հակացում է ՀՀ գնումների օրենսդրության դրույթներին:</u></p>

1.2	<u>Fibre Channel մոդուլ</u>	առնվազն 2 հատ <u>Brocade Fibre Channel</u> մոդուլ - պորտերից յուրաքանչյուրի թողունակությունը՝ 32Gbps - սարքի գումարային թողունակությունը՝ 896Gbps - ներքին պորտերի քանակը՝ 12 - արտաքին պորտերի քանակը՝ առնվազն 8 SFP+	<u>Հղում կոնկրետ սարքանքային նշանի՝ Brocade Fibre, որը հակասում է Օրենքին, Կարգին:</u>
1.3	Կոմպոզիտային կառավարման սարք	առնվազն 2 կոմպոզիտային կառավարման մոդուլ՝ ավտոմատ կերպով համակարգի ռեսուրսները համախմբելու, ծարաբեռնվածությունները ըստ առաջնահերթությունների ապահովելու և վերաբաշխելու հնարավորությամբ	
1.4	<u>Սնուցում</u>	<u>6 հատ</u> 2650W Titanium Plus էլեկտրական սնուցման բլոկեր	
	Ընդարձակելիություն	առնվազն 20 հատ (1) տիպի կոմպոզիտային սերվերային համակարգերը՝ որպես մեկ սմբողջական համակարգ ադմինիստրավորելու հնարավորություն	

Տվյալ պարագայում ստույգ
6 հատ էլեկտրական
սնուցման բլոկեր
սահմանելու պայմանը
լիովին մեկ արտադրողի է
համապատասխանում:
Ավելին, անհատական է,
թե ինչու Պատվիրատուն չի
սահմանել նվազագույն
քանակ, այլ հստակ 6 հատ,
որը ինչպես
վկայակոչեցինք
համապատասխանում է
միայն մեկ արտադրողի
սարքանքի:

	Անխափանություն	(1.1), (1.2), (1.3), (1.4) կետերից յուրաքանչյուրի դեպքում մեկ կոմպոնենտի շարքից դուրս գալու նկատմամբ համակարգի կայունություն
2	Կոմպոզիտիվ սերվեր – 24 հատ	
	Տեսակ	Կետ (1)-ի համակարգում տեղադրվող
	<u>Համատեղելիություն</u>	<u>(1),(2),(3) համակարգերը</u> <u>պետք է արտադրված լինեն</u> <u>մեկ արտադրողի կողմից և</u> <u>լինեն ամբողջովին</u> <u>համատեղելի</u>
	Պրոցեսորների քանակ	յուրաքանչյուր սերվերի վրա առնվազն երկու հատ
	Պրոցեսորի պարամետրեր	2 հատ 20-միջուկանի, 2.1Ghz հաճախականության, 2933MHz հաճախականությամբ DDR4 աջակցմամբ
	Պրոցեսորների արտադրողականություն	SPEC rate2017 integer result base ` 223 միավոր
	<u>Օպերատիվ հիշողություն</u>	ընդամենը 512ԳԲ` <u>16</u> <u>միլիոնական</u> DDR4-2933 Dual Rank մոդուլներով
	Հիմնական հիշողություն	2 հատ 480ԳԲ 2.5" SSD կրիչ
	Ethernet ցանց	1 կոնվերգենտ քարտ 2 Ethernet պորտերով` յուրաքանչյուրը 25/50 Գբիթ/վրկ
	Fibre Channel ցանց	1 քարտ 2 Fibre Channel պորտերով` յուրաքանչյուրը 32 Գբիթ/վրկ
3	Տվյալների պահպանման համակարգ – 2 հատ (առանձին ֆիզիկական սարքավորում)	
	Համատեղելիություն	(1),(2),(3) համակարգերը պետք է արտադրված լինեն մեկ արտադրողի

Մույն համատեղելիության
պայմանի չափանիշին
միայն
համապատասխանում է
մեկ արտադրողի ապրանք,
բացառված է այլ երկրորդ
արտադրողի կողմից
համարժեք ապրանքի
առկայություն

16 քանակի պայմանին
նույնպես բավարարում է
մեկ արտադրողի ապրանք:

Մույն համատեղելիության
պայմանի չափանիշին
միայն

		կողմից և լինեն ամբողջովին համատեղելի	համապատասխանում է մեկ արտադրողի ապրանք, բացառված է այլ երկրորդ արտադրողի կողմից համարժեք ապրանքի առկայություն
	կոնսորցիաների նկարագրություն	<ul style="list-style-type: none"> - առնվազն 4 ակտիվ կոնսորցիաներ՝ տաք փոխարինման հնարավորությամբ - ընդհանուր 1TiB cache հիշողություն՝ 256GiB յուրաքանչյուր կոնսորցիաների վրա - առնվազն 32 հատ 32Gb Fibre Channel պորտեր - յուրաքանչյուր կոնսորցիաների վրա առնվազն 2 հատ 10Gb Ethernet առանձնացված պորտեր՝ նախատեսված տվյալների ապարատային ռեպլիկացիայի համար - յուրաքանչյուր կոնսորցիաների վրա առնվազն 4 հատ SAS 12Gb պորտեր՝ նախատեսված սկավառակների դարակների միացման համար 	Առնվազն 4 ակտիվ կոնսորցիաներ պայմանին համապատասխանում է մեկ արտադրողի ապրանք:
	տեղադրված սկավառակներ	48x1.92TB SSD SAS 2.5" սկավառակներ	
	համակարգի աճեցման հնարավորություն	<ul style="list-style-type: none"> - առնվազն 26 հատ NVMe SSD կրիչներ տեղադրելու հնարավորություն - առնվազն 384 հատ SSD սկավառակներ տեղադրելու հնարավորություն - առնվազն 576 հատ HDD սկավառակներ տեղադրելու հնարավորություն - 1.92, 3.84, 7.68, 15.36TB 	Ինչու՞ հենց առնվազն 26 հատ պահանջ: Տվյալ պահանջը լիովին պարունակում է հղում մեկ արտադրողի, բացառված են համարժեք տարբերակների գոյությունը:

		SSD 2.5" սկավառակների աջակցում	
	համակարգի ֆունկցիոնալ	<ul style="list-style-type: none"> - ակնթարթային պատճենների ստեղծում (snapshots) - ամբողջական պատճենների ստեղծում (snapclones) - համակարգի կառավարման ծրագրային ապահովում - համակարգի արագագործության վերլուծության ծրագրային ապահովում - նեղ հատորների հետ աշխատելու հնարավորություն (Thin Provisioning) - համակարգը տրամաբանական հատորների բաժանելու հնարավորություն - Oracle, Microsoft Exchange, Microsoft SQL, VMware vSphere, Microsoft Hyper-V ծրագրային փաթեթների համար ակնթարթային կոնսիստենտ պատճենների ստեղծման հնարավորություն - VMware vCenter-ի հետ ինտեգրման հնարավորություն - Տվյալների դեդուպլիկացիա և սեղմում (Compression) 	առնվազն 26 հատ
	<u>տվյալների ռեպլիկացիա</u>	<ul style="list-style-type: none"> - <u>Տվյալների սինկրոն և ասինկրոն ռեպլիկացիա միևնույն մոդելի այլ համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման</u> 	<u>HPE 3PAR 8400 սարանքային կշանի կշմամբ, վկայակոչված պայմաններով միայն մեկ արտադրողի արտադրան է համապատասխանում:</u>

		<p>- Տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման</p>
	համակարգի ադմինիստրավորում	<p>Համակարգը պետք է աջակցի "call home" ֆունկցիոնալ, որը թույլ է տալիս</p> <p>- համակարգի խնդիրների դեպքում արտադրողի սերվիսային համակարգում ավտոմատ սերվիս-դեպի գրանցում</p> <p>- հաշվի առնելով պատվիրատուի մոտ առկա միկրոկոդերի և ծրագրային փաթեթների տարբերակները (version)՝ առկա խորհուրդ տրվող թարմացումների ցանկի ավտոմատ տրամադրում</p> <p>- 10-բալային համակարգով գրել/կարդալու գործողությունների ժամանակ համակարգի արտադրողականության գնահատում</p>
4	Ընդհանուր	
	Մալուխներ և փոխարկիչներ	<p>(1),(2),(3) համակարգերը պետք է ներառեն բոլոր վերոնշյալ կոմպոնենտները իրար միացնելու համար անհրաժեշտ մալուխները և փոխարկիչները:</p> <p>Կոմպոնենտների միացումը և համատեղ օգտագործումը պետք է լինեն օֆիցիալ հաստատված բոլոր</p>

			կոմպոնենտների արտադրողների կողմից:
		Երաշխիք	(1),(2),(3) համակարգերի համար արտադրողի կողմից ՀՀ տարածքում պետք է գործի 5 տարվա գործարանային երաշխիք՝ 24x7 ռեժիմում արտադրողի համակարգում սերվիս-դեսպ զրանցելու հնարավորությամբ և առավելագույնը 4-ժամյա հետադարձ կապով: Վնասված կրիչները փոխարինումից հետո չեն վերադարձվելու մատակարարին կամ արտադրողին, ինչը պետք է արձանագրված լինի արտադրողի կողմից ներառվող գործարանային երաշխիքի նկարագրությունում:
		Տեղադրման ծառայություններ	Մատակարարումը պետք է ներառի համակարգի նախնական գործարկման ծառայություն՝ համաձայն արտադրողի կողմից խորհուրդ տրվող ճարտարապետության և իրականացվող արտադրողի կողմից սերտիֆիկացված մասնագետի կողմից:

6. Տեխնիկական բնութագրում նախատեսվել է նախապայմաններ, չափանիշներ, որոնք սահմանափակում են ազատ մրցակցությունը, անհնարին դարձնում կոնկրետ արտադրողից բացի այլ արտադրողի ապրանքով մասնակցությունը:
7. Պատվիրատուի կողմից թույլ է տրվել ՀՀ գնումների օրենսդրության դրույթների խախտում, խեղաթուրվել է գնման գործընթացը, մասնավորապես խախտվել է ՀՀ-ի համար 05.06.2015թ. ուժի մեջ մտած «Դեռապահ գնումների մասին» վերանայված համաձայնագրի 10-րդ հոդվածի 1-5-րդ կետերով, Օրենքի 3-րդ, 6-րդ, 7-րդ, 13-րդ հոդվածներով, Կարգի 21-րդ, 22-րդ կետերով սահմանված դրույթները:

Բողոքի իրավական հիմքերը և հիմնավորումները՝

Պատվիրատուի կողմից հրապարակված հրավերի, դրան կից ներկայացված տեխնիկական բնութագրում ամրագրված տեխնիկական պայմանները խախտում են Գնումների օրենսդրության համապատասխան դրույթները, մասնավորապես.

«Պետական գնումների մասին» վերանայված համաձայնագրի 10-րդ հոդվածի 1-5-րդ կետերի համաձայն՝

«Հոդված X Տեխնիկական բնութագրեր և մրցառքի փաստաթղթեր

Տեխնիկական բնութագրեր

1. Պատվիրատուն չպետք է մշակի, ընդունի կամ կիրառի որևէ տեխնիկական բնութագիր կամ սահմանի որևէ համապատասխանության գնահատման ընթացակարգ՝ միջազգային առևտրին անհարկի խաչընդոտներ ստեղծելու նպատակով կամ ազդեցությամբ:

2. Գնվելիք ապրանքների կամ ծառայությունների համար տեխնիկական բնութագրեր սահմանելիս, պատվիրատուն, անհրաժեշտության դեպքում, պետք է.

ա. սահմանի տեխնիկական բնութագրերը կատարողականի և գործառնական պահանջների առումով և ոչ թե ինժեներական կամ նկարագրական հատկանիշների առումով, և

բ. հիմնվի տեխնիկական բնութագրերի միջազգային չափանիշների վրա, եթե այդպիսիք կան, հակառակ դեպքում՝ ազգային տեխնիկական կանոնակարգերի, ընդունված ազգային չափորոշիչների կամ շինարարական նորմերի վրա:

3. Եթե տեխնիկական բնութագրերում օգտագործվում են ինժեներական կամ նկարագրական հատկանիշներ, պատվիրատուն, անհրաժեշտության դեպքում, պետք է նշի, որ նա կդիտարկի համարժեք ապրանքների կամ ծառայությունների մրցութային առաջարկները, որոնք ակնհայտորեն բավարարում են գնման պահանջներին՝ ներառելով մրցառքի փաստաթղթերում այնպիսի բառեր, ինչպես՝ «կամ համարժեք» բառերը:

4. Պատվիրատուն չպետք է սահմանի այնպիսի տեխնիկական բնութագրեր, որոնք պահանջում կամ հղում են տալիս որոշակի ապրանքային նշանին կամ առևտրային անվանմանը, արտոնագրին, հեղինակային իրավունքին, դիզայնին, տեսակին, հատուկ ծագմանը, արտադրողին կամ մատակարարին, եթե միայն չկա մեկ այլ բավարար չափով ճշգրիտ կամ դյուրըմբռնելի մեթոդ գնման պահանջները նկարագրելու համար և պայմանով, որ նման դեպքերում, կազմակերպությունը ներառում է «կամ համարժեք» բառերը մրցառքի փաստաթղթերում:

5. Ցանկացած տեխնիկական բնութագրի մշակման կամ ընդունման ժամանակ պատվիրատուն չպետք է փնտրի կամ ընդունի, այնպիսի եղանակով, որը կարող է մրցակցությանը խաչընդոտող ազդեցություն ունենալ, խորհուրդ այնպիսի անձից, որը կարող է առևտրային շահ ունենալ գնումներում»:

Օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

Օրենքի 6-րդ հոդվածի 4-րդ կետի համաձայն՝ չեն կարող սահմանվել մասնակցի՝ գնումներին մասնակցելու իրավունքի և որակավորման հետ կապված այնպիսի չափանիշներ, որոնք՝

1) նախատեսված չեն սույն հոդվածով:

2) խտրական են և սահմանափակում են մրցակցությունը՝ անհիմն կերպով բարդացնում կամ պարզեցնում են հնարավոր մասնակցությունը գնման գործընթացին:

3) համարժեք չեն՝ ուղղակիորեն չեն բխում պայմանագրով նախատեսված պարտավորությունների կատարման անհրաժեշտությունից:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար:

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը:

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը:

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տեքնիկականությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառնության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

Գնումների գործընթացի կազմակերպման կարգի (այսուհետև՝ նաև՝ Կարգ) 32-րդ կետի 1-ին ենթակետի գ) պարբերության համաձայն՝ ապրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի **ապրանքային նշանը**, ֆիրմային անվանումը, մակնիշը և **արտադրողի անվանումը** (այսուհետև՝ ապրանքի ամբողջական նկարագիր),

Կարգի 21-րդ կետի 1-ին ենթակետի «ա» պարբերության համաձայն՝. Եթե գնման գործընթացների կազմակերպման ժամանակացույցով այլ ժամկետ նախատեսված չէ, ապա գնման պահանջի ծագման օրվան հաջորդող քսան աշխատանքային օրվա ընթացքում պատասխանատու ստորաբաժանումը՝ կազմում և հաստատում է գնման հայտը, որը ներառում է՝ գնման առարկայի բնութագրերը: Ապրանքների գնման դեպքում նշվում է նաև մասնակցի կողմից առաջարկվող ապրանքային նշանի, ֆիրմային անվանման, մակնիշի և արտադրողի վերաբերյալ տեղեկատվության ներկայացման անհրաժեշտությունը, իսկ պայմանագրի կատարման փուլում ապրանքն արտադրողից կամ վերջինիս ներկայացուցից երաշխիքային նամակի կամ համապատասխանության սերտիֆիկատի ներկայացման անհրաժեշտությունը, եթե դրանք կիրառելի են տվյալ ապրանքի համար: Ընդ որում, պայմանագրի կատարման փուլում այն կնքած մասնակցից ծագման երկրի սերտիֆիկատ չի պահանջվում:

Կարգի 22-րդ կետի համաձայն՝ գնման առարկայի բնութագրերը սահմանելիս պետք է հաշվի առնել, **որ դրանց պետք է բավարարեն մեկից ավելի հնարավոր մասնակիցներ և արտադրողներ՝** բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Աղյուսակ 1-ում ներկայացված **«22 գնումների մասին օրենսդրության խախտումներ, գնման ընթացակարգի խեղաթուրումներ, մրցակցության բացառում, մեկ արտադրողին պարունակող չափանիշներ»** պայմանավորում հստակ ամրագրված են այն պայմանները, որոնցից ակնհայտ է, որ հրապարակված ձևաչափով տեխնիկական բնութագիրը չի բավարարում մեկից ավելի հնարավոր արտադրողի չափանիշը:

Վկայակոչված թիվ 1 աղյուսակում ներկայացված և ընդգծված համապատասխան պայմաններում ներկայացված չափանիշները հակասում են Օրենքին և Կարգին, մասնավորապես.

- **Համատեղելիությունը.** Տեխնիկական բնութագրի նման ձևակերպում և դրանում ներկայացված պարտադիր պահանջները, որոնք հակասում են Օրենքի պահանջներին, չեն բխում իրավական և/կամ օբյեկտիվ անհրաժեշտության պահանջներից, ուղղակի սահմանափակում են հնարավոր մասնակիցների մրցային մասնակցելու հնարավորությունները, որպիսին օրինակ կարող է հանդիսանալ մեր ընկերությունը, արդյունքում խախտելով Օրենքով սահմանված սկզբունքները և շեղվելով գործընթացի բուն նպատակից: Ավելին, «(1),(2),(3) համակարգերը պետք է արտադրված լինեն մեկ արտադրողի կողմից և լինեն ամբողջովին համատեղելի» պայմանի սահմանմամբ սահմանափակվում է հնարավոր մասնակիցների շրջանակը և նրանց միջև մրցակցության հնարավորությունը, տվյալ պայմանները համապատասխանում են մեկ արտադրողի և թվարկվածների արդյունքում խախտվում է Օրենքը: Վկայակոչվածից ելնելով, առաջարկում ենք վերացնել նշված սահմանափակումը՝ մեկ արտադրողի կողմից արտադրված լինել, ամբողջովին համատեղելի լինել պայմանները և կատարել դրանից բխող

համապատասխան փոփոխություն տեխնիկական բնութագրի համապատասխան հաստատում:

- Աջակցվող սերվերների քանակը-Պայմանն է առնվազն 12 երկպրոցեսորանի սերվեր- Տվյալ պարագայում հասկանալի է, որ ըստ տրված չափանիշների, այն է առնվազն 12, կարող է արտադրվել մեկ արտադրողի կողմից: Ավելին, տեխնիկական բնութագրում որևէ հղում չի կատարվել միջազգային ստանդարտների կամ Հայաստանում գործող նորմատիվատեխնիկական փաստաթղթերի, առնվազն հիմնավոր չէ, թե ինչու է պարտադրվում հենց այդ չափորոշիչը: Առաջարկում ենք համապատասխան բաժնում սահմանել առնվազն 8, որը որևէ կերպ չի զիջում տվյալ չափանիշին համապատասխան ապրանքին իր հզորությամբ: Վկայակոչվածը հաստատվում է մեր ընկերության կողմից ուղարկված հարցման 15.06.2021թ. -ի DELL-ի գրությամբ:
- Fibre Channel մոդուլ- առնվազն 2 հատ Brocade Fibre Channel մոդուլ- Պարունակում է հստակ հղում ապրանքային նշանի, այն է Brocade Fibre Channel մոդուլ և առնվազն 2 հատ: Գտնում ենք, որ տվյալ նպատակին կարող են ծառայել այլ ապրանքային նշանի մոդուլներ և քանակային առնվազն 2 սահմանելով սահմանափակվում է այլ արտադրողների կողմից ապրանքով տվյալ ընթացակարգին մասնակցելու հնարավորությունը: Առաջարկում ենք հեռադնել ուղակի ապրանքային նշանի՝ Brocade Fibre Channel և սահմանել առնվազն այլ քանակ, որը կընձեռնի այլ արտադրողներին իրենք արտադրանքը առաջարկելու հնարավորություն: Այսպիսով, տվյալ դեպքում, քանզի այստեղ պարունակվում է ապրանքային նշանի հղում, պետք է սահմանեն «կամ համարժեք» արտահայտությունը:
- Սնուցում-6 հատ 2650W Titanium Plus էլեկտրական սնուցման բլոկեր, Օպերատիվ հիշողություն-ընդամենը 512ԳԲ՝ 16 միանման DDR4-2933 Dual Rank մոդուլներով- Առաջարկում ենք սահմանել առնվազն քանակ, որը կապահովի տվյալ ապրանքի ձեռքբերման համար սահմանված նպատակը, քանզի հստակ 6 հատ, 16 հատ պայմաններին բավարարում է մեկ արտադրող, որով իսկ խախտվում է Օրենքը և կարգը, մասնավորապես տվյալ պայմանը չի համապատասխանում Օրենքի 13-րդ հոդվածի և Կարգի 22-րդ կետի դրույթներին, քանզի սահմանված տեխնիկական բնութագրում առկա չափորոշիչները խոչընդոտում են հնարավոր մասնակիցների մրցակցության հավասար պայմաններ ունենալու իրավունքը:
- Կոնտրոլերների նկարագրություն- առնվազն 4 ակտիվ կոնտրոլեր՝ տաք փոխարինման հնարավորությամբ- Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և առնվազն 4-ի փոխարեն սահմանել առնվազն 2-ը:
- Համակարգի աճեցման հնարավորություն - առնվազն 26 հատ NVMe SSD կրիչներ տեղադրելու հնարավորություն- Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և առնվազն 26-ի փոխարեն սահմանել առնվազն 21-ը:

- տվյալների ռեպլիկացիա- Տվյալների սինխրոն և ասինխրոն ռեպլիկացիա միևնույն մոդելի այլ համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման, տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման- Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և սահմանել այնպես, որ հնարավորություն ընձեռնվի ընդլայնելու մասնակիցների շրջանակը:

Նշված տեխնիկական բնութագրում ներկայացված և մեր կողմից չընդգծված պայմաններում նույնպես առկա են այնպիսի չափանիշներ, որոնց արդյունքում սահմանափակվում է գնումների այլ մասնակիցների մասնակցության իրավունքը: Վկայակոչված հանգամանքից էլնելով, բողոքի քննության ժամանակ Պատվիրատուի կողմից պետք է հիմնավորվեն նաև մյուս պայմանների՝ մեկից ավելի արտադրողի ապրանքի համապատասխանության հանգամանքը:

Վկայակոչված փաստերից և թիվ 1 աղյուսակում ներկայացված խախտումներից էլնելով ակնհայտ է, որ տեխնիկական բնութագրում ներկայացված չափանիշների մեծամասնությունը համապատասխանում են միմիայն մեկ արտադրողի, բացառված է այլ երկրորդ արտադրողի կողմից համարժեք ապրանքի առկայություն: Այն պարագայում, երբ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավասության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը: Ավելին, վերոնշյալ սկզբունքների ապահովումն և իրականացումը գնումների օրենսդրության շրջանակներում իրականացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը: Ավելին, ընթացակարգի գնման առարկայի բնութագրերն ամբողջությամբ և հստակ պետք է նկարագրեն ձեռքբերվող ապրանքի հատկանիշները՝ բացառելով տարակերպ մեկնաբանությունը, հնարավոր մասնակիցների համար պետք է ապահովեն մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը, ինչպես նաև գնումների և գնումների գործընթացի իրականացման կարևորագույն սկզբունքներից է հանդիսանում գնման արդյունավետ և օգտավետ իրականացումը, հետևաբար պատվիրատուի կողմից իրականացվող սույն գնումը պետք է լիարժեք համապատասխանի վերջինիս գնման պահանջին, և ապահովվի պատվիրատուի այն կարիքի բավարարումը, որի նպատակով կազմակերպվել է նշված գնումը, այլ կերպ ասած բնութագիրն պետք է օբյեկտիվորեն հիմնավորված և համարժեք լինի այն կարիքին, որի բավարարման համար հայտարարվել է ընթացակարգը:

Ընկերության կողմից սույն բողոքի շրջանակում տեխնիկական բնութագրում առկա

խախտումների վերաբերյալ համապատասխան գրություն, արտաստումներ ներկայացվել են, սակայն ցանկանում ենք հավելել, որ տվյալ պարագայում Պատվիրատուն է կրում բողոքում ներկայացված հրավերում առկա որևէ պայմանի՝ գնումների օրենսդրությանը հակասելու հանգամանքի ժխտման/հերքման բեռը, քանզի Կարգի 22-րդ կետի իմաստով գնման առարկայի բնութագրեր սահմանելիս պետք է հաշվի առնել, որ դրանց պետք է բավականացնի մեկից ավելի հնարավոր մասնակիցներ և արտադրողներ: Այսպիսով, Պատվիրատուն պետք է հիմնավորի, որի իր կողմից հաստատված և հրապարակված տեխնիկական բնութագրում առկա չեն խախտումներ Օրենքի և Կարգի:

Վկայակոչված իրավական նորմերի վերլուծությունից և ներկայացված ակնհայտ է, որ գնահատող հանձնաժողովի կողմից պետք է փոփոխություններ կատարվեն տեխնիկական պայմաններում, որպեսզի է Օրենքի 13-րդ հոդվածի պահանջների խախտմամբ կազմված հրավերն և տեխնիկական բնութագիրը ապահովեն մրցակցության առողջ մթնոլորտ և Գնումների օրենսդրության դրույթներին համապատասխան գնումների գործընթաց: Ավելացնենք, որ Օրենքի 13-րդ հոդվածի խախտումն իր հերթին հանգեցնելու է Օրենքի 3-րդ, 6-րդ, 7-րդ հոդվածներում ամրագրված դրույթների խախտմանը, մասնավորապես՝ մասնակիցների շրջանակի ընդլայնման և նրանց միջև մրցակցության խրախուսման սկզբունքի խախտմանը, մասնակիցներին զրկում է երաշխավորված գնման գործընթացի մասնակցելու իրավունքի արդյունավետ իրականացման հնարավորությունից, խտրական են և սահմանափակում են մրցակցությունը՝ անհիմն կերպով բարդացնում կամ պարզեցնում են հնարավոր մասնակցությունը գնման գործընթացին և այլն:

Այսպիսով, գտնում ենք, որ վերոնշված բողոքում ներկայացված փոփոխությունների կատարման արդյունքում Ընթացակարգի մասնակիցների շրջանակը կընդլայնվի, ինչը կհանգեցնի մրցակցության ապահովմանը:

Պահանջը

Ելնելով այն հանգամանքից, որ գնահատող հանձնաժողովը թույլ է տվել ՀՀ գնումների օրենսդրության դրույթների խախտում, խեղաթյուրվել է գնման գործընթացը, մասնավորապես խախտվել է ՀՀ-ի համար 05.06.2015թ. ուժի մեջ մտած «Պետական գնումների մասին» վերանայված համաձայնագրի 10-րդ հոդվածի 1-5-րդ կետերով, Օրենքի 3-րդ, 6-րդ, 7-րդ, 13-րդ հոդվածներով, Կարգի 21-րդ, 22-րդ կետերով սահմանված պահանջները և ղեկավարվելով Օրենքի 50-րդ հոդվածի 7-րդ կետով

Խնդրում ենք

Բավարարել բողոքը և պարտավորեցնել ՊԵԿ-ԷԱՀԱՊՁԲ-21/027 ծածկագրով ընթացակարգի գնահատող հանձնաժողովին՝


- ✓ ՊԵԿ-ԷԱՀԱՊՁԲ-21/027 ծածկագրով ընթացակարգի հրապարակված հրավերում և դրան կից տեխնիկական բնութագրում կատարել փոփոխություններ՝ բողոքով նշված հիմնավորումների և վերլուծությունների շրջանակում կամ վերացնել սույն բողոքում նշված թերությունները, կամ
- ✓ Չկայացած հայտարարել ՊԵԿ-ԷԱՀԱՊՁԲ-21/027 ծածկագրով հայտարարված ընթացակարգը:

Կից ներկայացնում եմ՝

1. Լիազորագրի լուսապատճենը;
2. Նույնականացման քարտի և փաստաբանական գործունեության արտոնագրի

լուսապատճենները;

3. ՊԵԿ-ԷԱՃԱՊՁԲ-21/027 ծածկագրով Հրավերը և տեխնիկական բնութագրերը;
4. www.procurement.am էլեկտրոնային կայքից արտատպումը;
5. 1.4 կետի վերաբերյալ համապատասխան արտատպումը;
6. Ստեպ Լոջիկ Յուգ ՍՊԸ-ի գրության լուսապատճենը;
7. DELL ընկերության գրության լուսապատճենը;
8. ԳԲՔԱ-ՆԳ-2021/18, ԳԲՔԱ-ՆԳ-2021/21, ԳԲՔԱ-ԼՕ-2021/11, ԳԲՔԱ-ԼՕ-2021/37, ԳԲՔԱ-ԼՕ-2021/30 որոշումները;
9. Պետական տուրքի վճարման անդորրագիրը;

«Ստեպ Լոջիկ Յուգ» ՍՊԸ-ի ներկայացուցիչ, փաստաբան՝  Ա. Մարգարյան

16.06.2021թ.